

TATOU SIOSIOMAGA TATOU TOFI

TULAFONO MO LE PUIPUIGA O LE AFUAFU O LE OSONE

FAASILASILAGA MO LE MAMALU O LE ATUNUU.

E tusa ai ma le tulafono o le Puipuiga o le Afuafu o le Osone faapea ai ma aiaiga faavaomalo o le Moneterio ua avea ai Samoa ma sui auai, ua matua'i FA'ASAINA le auina mai i totonu o le atunuu o kasa o loo taua i lalo; faapea ai ma masini o loo faaaogaina ituaiga kasa nei.

O lona uiga e tatau ona mata'ituina e le mamalu o lo tatou atunuu tulaga nei aemaise e o loo aumai ni faamomoli poo ni masini o loo iai kasa o loo taua i lalo e faasaina, e le gata i lea e mo le silafia o le mamalu o le atunuu o loo fia faatau ni a latou masini e pei ona taua i lalo, mai le au faipisinisi.

Aua ua iai kasa ua matua'i FAASAINA, e iai kasa ua moomia le LAISENE ma e iai foi kasa E LE O AIAIA I LE TULAFONO, e saoloto lava le faaaogaina. E 4 ni vaega taua e tatau ona mata'ituina e le mamalu o le atunuu:

1. O le auina mai o kasa ma masini i totonu o le atunuu e iai kasa ua FAASAINA.

● *E tatau i le ua auina mai i totonu kasa poo masini ona totogi le toe faafo'iina atu o nei kasa ma masini i le atunuu na lafo mai ai.*

2. O le faatauina o masini e iai kasa ua FAASAINA mai faleoloa.

● *Talu ai ua faasaina le kasa, o le a faigata foi ona toe faaleleia lau masini i se taimi o i lumanai.*

3. O le faaleleia o masini eseese e faaaogaina ai kasa ua FAASAINA.

● *Ua tatau ona ripotia mai i le Ofisa ina ia faia iai se fuafuaga talafeagai, ma e moomia foi le laisene mo i latou o loo faaaogaina kasa ua FAASAINA o loo i totonu o le atunuu.*

4. O le auina mai i totonu o le atunuu o kasa e mo'omia LAISENE.

● *E le mafai ona auina mai i totonu o le atunuu kasa poo masini o loo iai kasa e pei ona taua i lalo e aunoa ma se laisene. Vagana ai ua fai lou laisene ona faatoa mafai lea ona auina mai i totonu kasa ma masini e pei ona faatulafonoina.*

KASA UA FAASAINA:

Ituaiga CFC eseese e pei o le CFC-11, CFC-12 ma nisi e mafai foi ona sau le igoa ua sui mai i le R-11 poo F11, R-12 poo le F12, faatasi ai ma masini o loo iai i totonu kasa e pei ona taua.

E aofia ai foi ma kasa tinei mu ua taua o le halone ma isi ituaiga kasa ma vailaau, vagana ai lona faaogaina mo le soifua maloloina, o le fa'aasu e faatamaia ai manu faalafua mai le oo mai i totonu o le atunuu ma le faasaina ai o se soifua

KASA O LOO FAATAGAINA E MOOMIA AI LE LAISENE:

HCFC ma isi ituaiga kasa o loo fefiloi faatasi ma le HCFC. Igoa taatele o se tasi o kasa e pei ona faaaogaina mo kesi o le **R22**. Ua faasaina kasa nei e aunoa ma se laisene. E moomia foi e le inisia o loo faaaogaina nei kasa se laisene.

O laisene uma o i latou ua inisinia, ma kamupani o loo auina mai i totonu o le atunuu oloa e pei ona taua o le a faapea ona faailoa mo le mamalu o le atunuu i totonu o le faleoloa poo le vaega o loo faatinoina ai galuega.


KASA FAATAGAINA E LE O I AIAIA I LALO O LE TULAFONO O LE PUIPUIGA O LE AFUAFU O LE OSONE:

HFC-134a poo le R-134a, R400, R500, R404A, R507C poo le R410A.

A faapea o kasa nei e pei ona taua o loo faaaogaina mo lau pisinisi poo o loo i totonu i masini mai lou aiga i fafo, lona uiga e le o iai se aiaiga i lalo o le tulafono e faasaina ai ona e le o iai se aafiaga o le ozone mai kasa nei e pei ona taua.

MASINI UA IAI KASA O LOO FAASAINA:

Pusa aisa, ea malulu, fagu faapasi, fagu tinei mu, fa'aasu o puipua le oo mai i totonu o le atunuu o manu faalafua ma isi.




Afai ua faatinoina se solitulafono ai lalo o leni tulafono, e tusa ma le \$5,000 tala se faasalaga faatasi ai ma le faaopoopoina o \$100 tala i aso taitasi pe a le usitaia le apoapoiga a le Matagaluega o Punaoa Faalenatura, Siosiomaga ma le Vaaitau. Ua silafia ma manino pisinisi o loo faatauina ma faaleleia masini e pei ona taua i lalo i ituaiga kasa nei, ae e ao pea ona manino le tagata faatau i oloa o le a ia faatauina.

FAUTUAGA:

Afai ua e filifili e faatau sau masini pe e te fia silafia foi pisinisi o loo faatinoina le auunaga i le faaleleia o pusa aisa ma ea malulu i Savaii ma Upolu ua maea ona iai laisene; pe fia manino foi i le Tulafono; faafesootai mai le Ofisa o Vaaitau i **Mulinuu** mo nisi faamatalaga i le telefoni **20855/20856**.


VAEGA O MASINI O LOO IAI FAAILOILO E ILOA AI ITUAIGA KASA O LOO FAAOGAINA I MASINI...

Vaega o masini e iloa ai le ituaiga masini o loo e taulimaina poo se masini e faatau o loo taliaina i le tulafono o le Puipuiga o le afuafu o le Osone:



O vaega eseese o masini o loo faailoa atu i totonu o pusa lanu samasama o vaega ia o pusa aisa e mafai ai ona e iloa le ituaiga kasa o loo iai lau pusa aisa.

Mo ea malulu e mafai ona silasila i faailo e pei ona faailoa atu i lalo. Silasila i poloka mumu mo le faailo o le ituaiga kesi o loo faaaogaina mo ea malulu e fai ma faataitaiga



ASO FAAPITOA MO LE FAALAUULOAINA O MATAUPU TAU I LE PUIPUIGA O LE OSONE, 29 FEPUARI 2008

Fogafale 6 o le Faletupe o Atina'e

E tatalo atu , ma le faaloalo i le mamalu o le atunuu ia tatou auai faatasi ai i le faalauiloaina o ni mataupu tau i le puipuiga o le afuafu o le Osone i le aso ua taua i luga. O le a faamalamalamaina ai le tele o mataupu o loo tuu fesili ai le toatele e uiga i aafiaga e ona alia'i mai i totonu o Samoa ma le lalolagi i le faaleagaina o le Osone. Faamoemoe o lou auai mai o le a manino ai i le tele o mataupu ma tatou galulue faatasi ai e puipui le afuafu o le Osone.



TOE FAAMANATU:

1. Ai lalo o aiaiga o le tulafono ua pasia nei; o masini uma ua iai kasa e pei ona faamanino atu i luga ua FAASAINA; e tatau i le na auina mai nei kasa poo masini o loo iai kasa ona totogi le toe faafo'iina o nei oloa i le atunuu na auina mai ai, ma e le oo mai lava i totonu o le atunuu vagana ai ua faamaonia e le Ofisa o le Osone ma le Vaega o le Tiute ua taulimaina foi e le sui le LAISENE e auina mai ai i totonu kasa ua faatagaina, faapea ai ma KASA E LE O FAATULAFONOINA.

Faafetai mo lo outou lagolagoina o galuega faatino a le Matagaluega o Punaoa Faalenatura & Siosiomaga aua le saogalemu o lo tatou Siosiomaga mo nei ma a taeao.

TATOU SIOSIOMAGA TATOU TOFI


TULIMANU MO TAMAITI



O tamaiti i le tausaga e 9-15 e mafai ona taliina mai leni tulimanu faasiosiomaga. O tamaiti e toatolu e tali mai o le a mauaina faailoga i masina taitasi o latou igoa foi o le a lolomi i le tulimanu mo tamaiti leni. O le vaiaso Faalauiloa Faapitoa mo le Siosiomaga ia Novema 2008 o le a maua ai faailoga faapitoa mo tamaiti e toa sefulu.

FAAFESOOTA'I MATA'ITUSI

Faafesoota'i mata'itusi ma valivali le ata



SU'E UPU

Su'e mai upu o loo lisi atu i lalo i totonu o le pusa

Atunuu Faasa Punaoa Afuafu Pisinisi
Tulafono Malulu Vaaitau

A	T	U	N	U	U	N	U	U
F	P	I	S	I	N	I	S	I
U	T	A	M	A	L	I	I	K
A	T	U	L	A	F	O	N	O
F	A	A	S	A	O	L	M	G
U	G	A	S	O	L	O	A	L
V	A	A	I	T	A	U	L	U
F	A	T	A	U	N	O	U	S
P	U	N	A	O	A	S	L	S
S	A	M	O	A	S	A	U	E

FAAFETAI

Faafetai tele i matou uo faapaaga mo le lagolagoina o le tulimanu mo tamaiti.

— STRICKLAND BROS LTD

— DIGICEL

Digicel

The Bigger. Better Network.

Saunia : Matagaluega o Punaoa Faalenatura ma le Siosiomaga

**Vaega o Pulega o Galuega /
Vaega o Tomai ma Agavaa**

Private Bag, Apia, SAMOA
Phone : 23800/22481/22482
Fax : 23176
Email : mnre@samoa.gov.ws



Government of Samoa